

2027

C O D I C E S

2028

Freberus in *Theatro Vir. erud. Adami* in *Vit. Jct. Cunrad.* in *Silesia Tog. Sinapius* in *Curiosit. Siles.* Defensionisque nostrae meminere, velut etiam *Gesnerus* in *Bibl.* Scripta est illa Senariis perpetuis sat pedestribus, et ad calcem adlocutione ad *Christianum Lectorem* terminatur, cui subiectus Annus 1561.

DXXIX:

322 Codex chartaceus lat. Sec. XVI. f. cujus Thecae anteriori impressus est annus 1560. Folior. 410. hunc praefert Titulum: *Ad Sereniss. ac Christianiss. Boemorum Regem. Dium Maximilianum Archiducem Austriae Ducem Burgundiae &c. Pauli Scalichij de Lika, Comitis Hun: Bar: Skra: S. T. Doct: Enarrationes, tam ueteris quam noui Instrumenti, in ordinem alphabeticum redactae, quo facilius studiosus rerum diuinarum uestigare et eruere quod uelit queat.* De Viro hoc *Zagrabiae* in *Croatia* a. 1534. nato, multiplicis, eaeque praecocis, sed indigestae doctrinae, animique inconstantis, *παροξοφιλης*, et in nova prurientis plura congesti in *Hist. Typogr. Viennens.* vernacula p. 536. *Enarrationes* has post imperatum sibi a Benefactore suo *Ferdinando I. Imp. Vienna* abitum adfectasse videtur; neque enim vel literam A. exhauriunt, 5. solum Capitibus de vocabulo *Abba*, de *Abalienatis*, de *Abditis*, de *Abductis*, et de *Abeffe* tractantes,

in quibus, ut linguae *Hebr. Graecae*que peritiam non desideres, ita in *rasos Daemones*, in *sanctimoniam Romani Idoli* et *pietatem Iesuitarum satellitum eius*, in non pauca de ipso Principe temere effutita incurras, quae utique non consonant iis, quibus post suam e *Prussia* proscriptio-nem purgare se conatus est in *Opusculis Coloniae* a. 1570 — 71. editis.

II. fol. 24. Ejusdem *Pauli Scalichij de Lika Comitis Hun: Bar: Zkradini. S. T. Doct. Olistus seu Aetiologiae, uariarum nempe dubitationum et decisionum Libri III. quorum primus Miscellaneorum difficultates: Secundus plurimos Encyclopaediae locos exponit. Tertius uero Sphaericam disciplinam enarrat, in transitu Heidelberg. obiter dictati.* Nesciebam, dum loco *suprac.* de *Scalichio* agerem, eum *Heidelbergam* quoque accessisse, sed *Tubinga* continuo in *Prussiam* abiisse rebar. Verum mox e *primo Aetiologiae* nostrae C. patet, eum *Tubinga Heidelbergam*, et hinc *Wittebergam* petiisse, quanquam in mandatis *Ferdinandi* haberet, non nisi *Catholicam* quandam *Academiam* inuisere. *Aetiologia* porro haec *dialogicos* exarata est, *Symbulo* et *Drymo* eruditionis cupidis, *Olisto*, qui *Scalichius* est, confertis eam modis admetiente. Praemittitur *Index Capp.* omnium III. *Librorum*, quae numero 126. sunt, et omnes paene disciplinas pervadunt. Indicabo selectiora. L. I. c. 3. *De hominibus*

2029

P O L E M I C I

2030

bus in aere uiuentibus. Singulare hic *Intelligentiarum* et Geniorum Systema. C. 4. de *Electis*. Homines hic alii *Cainici*, qui spiritu nequam duplici afficiuntur, alii *Abelitici*, qui spiritu nequam simplici decipiuntur. C. 8. de *Somniis et an per ea diuinari possit*. Hic ἐκ τῆς τετραδος: Idem igitur est (ut uobis magnum referem mysterium) erigere figuram caeli recte et probe somnia interpretari. qui enim nouit quae in caelo requirantur ad erectionem figurae caelestis, is nouit quae in minori mundo (homine) requirantur ad interpretanda somnia &c. C. 12. de *Crimine laesae Maiestatis*. C. 13. de *Lumine Stellarum*. C. 21. de *Sede Animae Rationalis*. C. 33. de *Maris Estu et Reciprocatione*. C. 35. De *Sacramento seu Eucharistia*. Maxime prolixa contra Catholicos Disputatio. C. 37. De *Manu arefacta*. Quomodo naturaliter presente Reo post multos Annos stillet. Respondet Olfus: Grauis quaestio est et saepius ab imperatore Casare Ferdinando inter prandendum agitata et uentilata, ad quam nemo apte respondere poterat. Atque hic *Julium Alexandrinum Medicum*, *Steph. Amorphortium a Laureburgo* et *Magnum ab Eck* nominat, et addit: Ego uero breuiter ob duas causas id fieri aio, quarum altera est resolutionis, altera uero antipathiae &c. Atque ex his *Leetor de Libro* etiam II. conijciat; III. enim unice *Astronomicus* est, dispiciatque, an aliquid harum *Noctium*, ut *Gellii* ver-

bo utar, *Heidelbergensium* in lucem protrahi mereatur, cum hactenus, quod sciam, Eruditos latuerint.

DXXX.

Codex chartaceus ital. Sec. 9²⁴
XVI. Folior. 65. 4. Tractatus est contra realem Christi in Eucharistia praesentiam, et Missae Sacrificium impurissimi, ut *Theod. Bezae* verbo utar, *Hypocritae Bernardini Ochini Senensis*, qui deserto FF. Min. Capucinorum ordine, ob disseminatos errores variis e regionibus exactus, per *Moraviam* iter habens una cum prolihus peste adflatus obiit *Slavocouiae* seu *Austerliti* a. 1564. aet. 77. Codex inscriptus est: *Per Bernardino Occhino*, primusque ejus Titulus: *Qual causa m^o babbi mosso à scriuer della Cena del Signore*. Initium: *Benche fra tutte le verità, che 'l Cristiano è obligato à credere, quella della corporal' assentia di Christo dal Sacramento della cena sia tra tutte l'altre chiarissima &c.* Objacet mihi *Disputa di M. Bernardino Occhino da Siena intorno alla presenza del corpo di Giesu Christo nel Sacramento della Cena*. Non mai per l'adietro stampata. In *Basilea* M. D. LXI. 8. item ejus Versio inscripta: *Liber de Corporis Christi Praesentia in Coenae Sacramento &c.* pariter *Basileae*, sed absque anno 8. Indicata utraque a *Joh. Vogtio* in *Catal. Librar.* verum vix visa a *Cph. Sandio*, ut e *Biblioth. Antitrinit.* p.

F f f 3

4.